

Қазақстан Республикасының Ауыл шаруашылығы министрлігі

Қазақстан Республикасы Ауыл шаруашылығы министрінің 2021 жылғы 13 желтоқсандағы № 376 бұйрығы. Қазақстан Республикасының Әділет министрлігінде 2021 жылғы 13 желтоқсанда № 25764 болып тіркелді

Министерство сельского хозяйства Республики Казахстан

## Қазақстан Республикасы аумағынан жекелеген тауарларды әкетудің кейбір мәселелері туралы

*Ескерту. 01.07.2022 дейін қолданылады – осы бұйрықтың 5-тармағымен.*

«Сауда қызметін реттеу туралы» Қазақстан Республикасы Заңының 17-бабы 2-тармағына және 18-бабы 3-тармағына сәйкес **БҰЙЫРАМЫН:**

1. Қоса беріліп отырған:

1) осы бұйрыққа 1-қосымшаға сәйкес Сандық шектеулерді (квоталарды) бөлу қағидалары;

2) осы бұйрыққа 2-қосымшаға сәйкес Қазақстан Республикасының аумағынан әкетуге сандық шектеулер (квоталар) енгізілетін тауарлар тізбесі бекітілсін.

2. «Қазақстан Республикасы аумағынан жекелеген тауарларды әкетудің кейбір мәселелері туралы» Қазақстан Республикасы Ауыл шаруашылығы министрінің міндетін атқарушының 2021 жылғы 20 тамыздағы № 246 бұйрығының (Нормативтік құқықтық актілерді мемлекеттік тіркеу тізілімінде № 24071 болып тіркелген) күші жойылды деп танылсын.

3. Қазақстан Республикасы Ауыл шаруашылығы министрлігінің Аграрлық азық-түлік нарықтары және ауыл шаруашылығы өнімін қайта өңдеу департаменті заңнамада белгіленген тәртіппен:



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код



ҚР НҚА ЭББ-гі нақты құжатқа сілтеу QR-коды

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрық ресми жарияланғаннан кейін оның Қазақстан Республикасы Ауыл шаруашылығы министрлігінің интернет-ресурсында орналастырылуын қамтамасыз етсін.

4. Осы бұйрықтың орындалуын бақылау жетекшілік ететін Қазақстан Республикасының ауыл шаруашылығы вице-министріне жүктелсін.

5. Осы бұйрық алғашқы ресми жарияланған күнінен кейін қолданысқа енгізіледі және 2022 жылғы 1 шілдеге дейін қолданыста болады.

**Қазақстан Республикасының  
Ауыл шаруашылығы министрі**

**Е. Карашукеев**

«КЕЛІСІЛДІ»

Қазақстан Республикасы  
Қаржы министрлігі

«КЕЛІСІЛДІ»

Қазақстан Республикасы  
Сауда және интеграция министрлігі

«КЕЛІСІЛДІ»

Қазақстан Республикасы  
Ұлттық қауіпсіздік комитеті

«КЕЛІСІЛДІ»

Қазақстан Республикасы  
Ұлттық экономика министрлігі

Қазақстан Республикасының  
Ауыл шаруашылығы министрі  
2021 жылғы 13 желтоқсандағы  
№ 376 бұйрығына 1-қосымша

**Сандық шектеулерді (квоталарды) бөлу қағидалары**

**1-тарау. Жалпы ережелер**

1. Осы Сандық шектеулерді (квоталарды) бөлу қағидалары (бұдан әрі – Қағидалар) «Сауда қызметін реттеу туралы» Қазақстан Республикасы Заңының 18-бабы 3-тармағына сәйкес әзірленді және сандық шектеулерді (квоталарды) бөлу тәртібін айқындайды.

2. Осы Қағидаларда мынадай ұғымдар қолданылады:

1) Еуразиялық экономикалық одақтың сыртқы экономикалық қызметінің тауарлық номенклатурасы – кедендік-тарифтік реттеу шараларын, кедендік әкету баждарын, тыйым салулар мен шектеулерді, ішкі нарықты қорғау шараларын қолдану, кедендік статистиканы жүргізу мақсатында тауарларды сыныптау үшін пайдаланылатын тауарларды сипаттау және кодтау жүйесі болып табылады;

2) сыртқы сауда қызметіне қатысушылар (бұдан әрі – өтінім беруші) – сыртқы сауда қызметін жүзеге асыратын жеке тұлғалар, оның ішінде Қазақстан Республикасының заңнамасына сәйкес дара кәсіпкерлер ретінде тіркелген жеке тұлғалар және Қазақстан Республикасының заңнамасына сәйкес құрылған заңды тұлғалар, сондай-ақ заңды тұлғалар болып табылмайтын ұйымдар;

3) тауар – осы бұйрыққа 2-қосымшаға сәйкес тауарлар тізбесінде көрсетілген Қазақстан Республикасының аумағынан әкетуге сандық шектеулер (квоталар) енгізілетін тауарлар.

**2-тарау. Сандық шектеулерді (квоталарды) есептеу тәртібі**

3. Қазақстан Республикасы Ауыл шаруашылығы министрлігі (бұдан әрі – уәкілетті орган) осы Қағидалар қолданысқа енгізілген күннен бастап 3 (үш) жұмыс күні ішінде уәкілетті органның интернет-ресурсында тиісті айға Қазақстан Республикасының аумағынан тауарларды әкетуге квота алуға өтінімдер қабылдау туралы хабарландыру (бұдан әрі – хабарландыру) орналастырады.

Келесі айларға арналған хабарландыруларды уәкілетті орган экспорттық квотаны бөлу жоспарланған айдың алдындағы айдың он бесінші күні интернет-ресурста жариялайды.

Хабарландыруда: тауардың атауы, бөлінген квотаның көлемі, бір өтініш берушіге арналған тауар экспортының рұқсат етілген шегі, квотаны алу үшін қажетті құжаттардың тізбесі, өтінімдерді қабылдаудың басталу және аяқталу күні мен уақыты, уәкілетті органның заңды мекенжайы, уәкілетті орган кеңсесінің электрондық мекенжайы туралы ақпарат көрсетіледі.

4. Уәкілетті орган тиісті айға бөлінген квотаның көлеміне қарай бір өтініш берушіге: күнбағыс тұқымын – 3000 (үш мың) тоннадан, күнбағыс майын – 6000 (алты мың) тоннадан артық емес әкету үшін рұқсат етілетін шекті белгілейді.

5. Қазақстан Республикасының аумағынан үшінші елдерге және Еуразиялық экономикалық одақ елдеріне тауарларды әкетуге квота алу үшін өтініш беруші уәкілетті органның кеңсесіне осы Қағидаларға 1-қосымшаға сәйкес нысан бойынша тауарларды әкетуге квота алуға өтініш (бұдан әрі – өтініш) береді. Әрбір өтініш беруші тиісті айға бір ғана өтініш береді.

Өтінімге мынадай құжаттар қоса беріледі:

1) келісімшарттардың (шарттардың) көшірмелері, олардың негізінде тауарларды әкету жүзеге асырылады (егер мұндай шарттың сомасы баламасы 50 000 (елу мың) Америка Құрама Штаттарының долларынан асатын болса, экспортқа валюталық келісім үшін уәкілетті банк (оның филиалы) немесе Қазақстан Республикасы Ұлттық Банкінің аумақтық филиалы берген шот нөмірінің деректемелері);

2) астық қолхатының немесе қойма мекенжайын көрсете отырып, күнбағыс тұқымын сақтау туралы құжаттың көшірмесі (өтініш беруші күнбағыс тұқымын экспорттауға квотаны алу үшін ұсынады).

6. Өтініш берушінің бірінші басшысы не өкілеттіктерін растайтын тиісті құжаттың негізінде уәкілетті адам қол қойған өтініш және өтінімге қоса берілетін құжаттар уәкілетті органның кеңсесі арқылы қолма-қол түрде немесе уәкілетті орган кеңсесінің электрондық мекенжайына электрондық түрде беріледі.

Өтінім және өтінімге қоса берілген құжаттар уәкілетті органның кеңсесінде келіп түскен күні тіркеу нөмірі мен күнін бере отырып, қабылданады және

тіркеледі және өтінімді қарауды тікелей жүзеге асыратын уәкілетті органның құрылымдық бөлімшесіне жолданады.

Өтінім беруші Қазақстан Республикасының еңбек заңнамасына сәйкес жұмыс уақыты аяқталғаннан кейін, демалыс және мереке күндері жүтінген кезде құжаттар келесі жұмыс күні қабылданады.

7. Уәкілетті орган құжаттарды алған күннен бастап 5 (бес) жұмыс күні ішінде ұсынылған құжаттардың толықтығын және осы Қағидалардың талаптарына сәйкестігін тексереді.

Ұсынылған құжаттардың толық еместігі және (немесе) құжаттардың осы Қағидалардың талаптарына сәйкессіздігі анықталған жағдайда, уәкілетті орган өтінім берушіге хабарлама жібереді, онда ұсынылған құжаттардың қандай талаптарға сәйкес келмейтіні көрсетіледі. Хабарлама өтінім беруші өтінімде көрсеткен электрондық мекенжайына жіберіледі.

Құжаттарды осы Қағидалардың талаптарына сәйкес келтіру мерзімі өтінім беруші хабарламаны алған сәттен бастап 2 (екі) жұмыс күнін құрайды.

Егер өтінім беруші 2 (екі) жұмыс күні өткеннен кейін құжаттарды осы Қағидалардың талаптарына сәйкес келтірмеген жағдайда, уәкілетті орган өтінімді одан әрі қараудан бас тартудың нақты себептерін көрсете отырып, өтінім берушінің өтінімде көрсетілген электрондық мекенжайына уәжді бас тартуды жібереді.

8. Осы Қағидалардың 7-тармағында көрсетілген өтінімдерді қарау мерзімдері аяқталғаннан кейін уәкілетті орган 5 (бес) жұмыс күні ішінде Қазақстан Республикасының аумағынан тауарларды әкетуге арналған квота көлемін мынадай тәртіппен бөледі:

1) жоспарланған айға Қазақстан Республикасының аумағынан тауарларды әкетуге квота алу үшін жалпы мәлімделген көлем (бұдан әрі – жалпы мәлімделген көлем) есептеледі;

2) әрбір өтінім берушінің жалпы мәлімделген көлемдегі үлес салмағы айқындалады;

3) егер жалпы мәлімделген көлем уәкілетті орган белгілеген ай сайынғы квота көлемінен асып кеткен жағдайда, әрбір өтінім беруші үшін квота көлемі оның жалпы мәлімделген көлемдегі үлесіне пропорционалды мынадай формула бойынша есептеледі:

$$V * U_z = V_z,$$

мұнда:

$V$  – уәкілетті орган белгілеген квота көлемі, тонна;

$U_z$  – экспорттың жалпы мәлімделген көлеміндегі өтінім берушінің үлес салмағы, %;

$V_z$  – өтінім беруші квотасының көлемі, тонна.

9. Квота көлемін бөлу қорытындылары бойынша уәкілетті орган 3 (үш) жұмыс күні ішінде осы Қағидаларға 2-қосымшаға сәйкес нысан бойынша Қазақстан Республикасының аумағынан тауарларды әкетуге квота алған сыртқы сауда қызметіне қатысушылардың жиынтық тізбесін қалыптастырады және уәкілетті органның интернет-ресурсында орналастырады.

10. Қазақстан Республикасы Ауыл шаруашылығы министрлігі Агроөнеркәсіптік кешендегі мемлекеттік инспекция комитетінің аумақтық бөлімшелері (бұдан әрі – аумақтық бөлімшелер) Қазақстан Республикасы Ауыл шаруашылығы министрінің 2015 жылғы 29 маусымдағы № 15-08/590 бұйрығымен (Нормативтік құқықтық актілерді мемлекеттік тіркеу тізілімінде № 12032 болып тіркелген) бекітілген Қазақстан Республикасының аумағын карантиндік объектілерден және бөтен текті түрлерден қорғау жөніндегі қағидаларға сәйкес сыртқы сауда қызметіне қатысушылардың Қазақстан Республикасының аумағынан тиісті айға тауарларды әкетуге квота алған және уәкілетті органның интернет-ресурсында орналастырылған жиынтық тізбесіне енгізілген тұлғаларға фитосанитариялық сертификат береді.

Фитосанитариялық сертификат осы Қағидаларға 2-қосымшаға сәйкес тауарларды Қазақстан Республикасының аумағынан әкетуге квота алған сыртқы сауда қызметіне қатысушылардың тізбесінде көрсетілген мәліметтер негізінде тауарларды Қазақстан Республикасының аумағынан әкетуге беріледі.

Өтінім берушінің фитосанитариялық сертификат алуға арналған өтінішінде қамтылған мәліметтердің Қағидаларға 2-қосымшаға сәйкес тауарларды Қазақстан

Республикасының аумағынан әкетуге квота алған сыртқы сауда қызметіне қатысушылардың тізбесінде көрсетілген мәліметтерге сәйкес еместігі анықталған кезде аумақтық бөлімшелер фитосанитариялық сертификат беруден бас тартады.

11. Алынған квоталар шеңберінде тауарларды Қазақстан Республикасының аумағынан 2022 жылдың 1 шілдесіне дейін әкетуге болады.

Сандық шектеулерді  
(квоталарды) бөлу қағидаларына  
1-қосымша

Нысан  
Қазақстан Республикасы  
Ауыл шаруашылығы министрлігіне

20\_\_ жылдың \_\_\_\_\_ айында  
тауарларды әкетуге арналған квота алу үшін  
өтінім

(заңды тұлғаның толық атауы немесе жеке тұлғаның аты, әкесінің аты  
(бар болса), тегі)

Қазақстан Республикасының аумағынан тауарларды әкетуге квота бөлуді  
сұрайды.

Экспортқа жоспарланған көлемі:

\_\_\_\_\_ (тауардың атауы, Еуразиялық экономикалық одақтың сыртқы  
экономикалық қызметінің тауарлық номенклатурасының коды (бұдан әрі – ЕАЭО  
СЭҚ ТН коды) \_\_\_\_\_ мың тоннаны;

\_\_\_\_\_ (тауардың атауы, ЕАЭО СЭҚ ТН коды) \_\_\_\_\_ мың тоннаны  
кұрайды;

20\_\_ жылдың \_\_\_\_\_ айына ішкі нарыққа кепілдендірілген  
жеткізілімдердің жоспарланған көлемі:

\_\_\_\_\_ (тауардың атауы, ЕАЭО СЭҚ ТН коды) \_\_\_\_\_ мың тоннаны  
кұрайды.

Тауардың жөнелту орны: \_\_\_\_\_ болып  
(облыс, қала, аудан, станция)

табылады.

Тиеу түрі: \_\_\_\_\_  
(вагон, контейнер, автомобиль көлігі)

Қызмет түрі (экономикалық қызмет түрлерінің жалпы жіктеуі- ші бойынша қызмет түрінің коды)	
Өтінім берушінің орналасқан жерінің (заңды мекен-жайы) ме- кенжайы	
Өтінім берушінің телефоны, электрондық поштасы	



Өтінім берушінің жеке сәйкестендіру нөмірі/бизнес-сәйкестендіру нөмірі	
Күнбағыс майын өндірушінің атауы (күнбағыс майын әкетуге квота алу үшін өтініш беруші толтырады)	
Күнбағыс майын тәулігіне өндіру қуаты, тонна (күнбағыс майын әкетуге арналған квотаны өтінім беруші толтырады)	
Келісімшарттың (шарттың) нөмірі	
Келісімшарттың (шарттың) күні	
Шарттың (келісімшарттың) есепке алу нөмірі	
ЕАЭО СЭҚ ТН коды	
Тауар атауы	
Саны, тонна	
Келісімшарттың құны, Америка Құрама Штаттарының долларымен	

\_\_\_\_\_ (лауазымы)

\_\_\_\_\_ (аты, әкесінің аты (бар болса), тегі)

\_\_\_\_\_ (қолы)

20\_\_ ЖЫЛҒЫ «\_\_» \_\_\_\_\_



**Қазақстан Республикасының  
Ауыл шаруашылығы министрі  
2021 жылғы 13 желтоқсандағы  
№ 376 бұйрығына  
2-қосымша**

**Қазақстан Республикасының аумағынан әкетуге сандық шектеулер  
(квоталар) енгізілетін тауарлардың тізбесі**

Еуразиялық экономикалық одақтың сыртқы экономикалық қызметінің тауар номенклатурасының (бұдан әрі - ЕАЭО СЭҚ ТН) коды	Тауардың атауы*	Квотаның көлемі, тонна	Қолданылу мерзімі
1206 00 100 0	Егіске арналған ұсақталған немесе ұсақталмаған күнбағыс тұқымдары	125 000	2022 жылғы 1 шілдеге дейін
1206 00 990 0	Күнбағыстың ұсақталған немесе ұсақталмаған өзге де тұқымдары		
1512 11 910 1**	Күнбағыстың тазартылмаған, бастапқы орамада нетто-көлемі 10 литр немесе одан да аз шикі майы	110 000	
1512 11 910 9**	Күнбағыстың тазартылмаған, бастапқы орамада нетто-көлемі 10 литрден көп шикі майы		
1512 19 900 2**	Күнбағыстың бастапқы орамада нетто-көлемі 10 литр немесе одан да аз өзге де күнбағыс майы немесе оның фракциялары		
1512 19 900 9**	Күнбағыстың өзге де тазартылған немесе тазартылмаған майы және олардың фракциялары		

**Ескертпе:**

\* Сандық шектеулерді (квоталарды) қолдану мақсаттары үшін тауарлар Еуразиялық экономикалық одақтың сыртқы экономикалық қызметінің тауар номенклатурасының (бұдан әрі – ЕАЭО СЭҚ ТН) кодтарымен ғана айқындалады.

\*\* Сандық шектеулерді (квоталарды) қолдану мақсаттары үшін тауарлар ЕАЭО СЭҚ ТН кодтарымен де, тауарлардың атауларымен де айқындалады.